



# Tanpui ngaite tanpui nan Branch YMA Relief fund siam

**Chanmari West, 16th Sept :** Ni 12.9.2012 zan khan Chanmari West Branch YMA Executive Emergency meeting Pu T. Ngurkhumate inah an thu. He meetingah hian YMA chu tanpui ngaite tanpuitu a nih avangin chak tak a hmalak zel ni se a ti a, chuta tan chuan Branch YMA Relief Fund siam ni se a ti.

Branch YMA hian sum vawn dan fel tak neiin sum a vawng thin a, audit pawk kum chanve leh kum tawpah neih thin a ni. Tun tuma Branch YMA Relief Fund siam tharah hian Account hran vawn tur a ni a, mi tupawh tanpui duhna nei chuan he account-ah hian pawisa an thawh thei dawn a ni. Tunah pawh hian Chawngbawla Section-a mi tlawmngai pakhat chuan he relief fund atan hian Rs 30,000.00 zet a chhung lut a, mi dang tan pawh hetiang a sum pek zel hi a theih dawn a, chu sum hmang chuan tanpui ngaite chu tanpui a ni thin dawn a ni.

Ramhlun Vengthar leh Complex-in leimin an tawrh chungchangah

Central YMA in Aizawl khawpui chhung Branch YMA te chhungkaw tinah pawisa khawn tura min ngenna chu tih hlawhtlin ngei nise a ti a, Branch YMA chuan Section hruaitute kutah a khawn hna hi a dah a, Ni 26.9.2012 ral hmaa Branch YMA hnenah theh lut vek turin a ngen a ni.

Central YMA in Inter Branch YMA Volleyball Tournament a buatsaih chu theih ang tawka inbuatsaih zel a ni a, Section hrang hrangte an mamawha hman turin Rs 1000.00 theuh thawh turin a ngen a, inkhelh en hunah pawh vengchung mipuite tawiawmna leh sum leh paia pui thei tan theih ang anga pui turin an ngen.

## Local Council

☞ Pu Dengchhuana (Isaac Motor Works) chuan sanitation point siamna tur plate rawng a thlawna a kaksak leh Pu Zonunsanga (zote-a) chuan Sanitation point tur man tlawm taka a ziah baw avangin anni pahnihte chungah hian Local Council chuan lawmthu a sawi tak meuh meuh a ni.

☞ August thla atanga PPP mode atana mipui ten kan thawh ve tur in tin leh dawr nei te hnenah Rs 20 khawn tura AMC in an tih angin vengchungah khawn thuai tum a ni a, mipuite kan in hriattir lawk.

☞ Veng chungah Ui leh Ar khuahkhirh

lo kan la awm nual mai a, Ui leh Ar nei ten khuahkhirh theuh turin an inhriattir nawn leh.

☞ Ni 2nd September, 2012 khan Pu Lalliansangpuia, Finance Secretary Local Council-te chuan Fapa duhawm tak an nei a, an lawmpui hle.

☞ Chaltlang leimin in chenna in a tih chhiat chungchangah Branch YMA leh Chanmari West veng mipui ten theihtawp chhuah a sum leh pai, tha leh zung senga thahnemngai taka thawktute zawng zawng chungah Local Council chuan lawmthu a sawi tak meuh meuh a ni.

## CHHUNGTINTE HRIATTIRNA

Tunlai ruahsur nasa avangin Ramhlun Sport Complex-ah In 46 leh Ramhlun Vengthar-ah In 18 te chu luah chhonzawm tlak lova a chhiat avangin, Central YMA chuan Aizawl khawpui chhung Branch YMA te hnenah chhiat tawkte tanpuina tur vehbur (Pawisa fai) khawn tura min rawn ngenna angin kan Branch YMA pawhin kan khawn ve dawn a, Section hruaitu ten mahni Section chhunga an rawn khawn hunah tlawmngai tanpuina tur pawisa mahni remchan ang ang lo pe turin chhungtinte kan inngen a ni.

## Branch News

☞ Ni 12.9.2012 zan khan Branch Executive Committee Emergency an thu.

☞ Central Road tlangna atana YMA ten hna kan thawh chu thawh chhonzawm zel niin, lungrem chu zawh tawh a ni a, tunah hian tlakdal (Parapet) siam mek a ni.

☞ Inter Branch YMA Volleyball mipa teamte kan chhuah ve dawn avangin, hemi atana hman turin Section tinte tlawmngai a Rs 1000/- theuh thawh tura beisei an ni.

☞ Ni 12.9.2012 khan Central Co-Ordination Committee (CCC) meeting CYMA Hall-ah neih a ni a, kan Branch atangin Vice President Pu R. Lalmachuana leh President Pu T. Ngurkhuma CEC te an tel a ni.

☞ Ni 14.9.2012 khan I&PR Auditorium-ah Electoral Roll-a thun tur dik tak thun a nih theih nana inzirtirna Sawrkar Officer, Political Party, NGO leh Chanchinbu mite tana buatsaihah kan Branch President Pu T. Ngurkhuma a tel.

☞ Presbyterian Kohhran camping-ah Executive member Pu Thanseia, Pu Lalrinliana, Dr. Lalramliana leh NI. Lalramengi te duty-in an tul hle.

## SUNNA

Ni 11.9.2012 khan kan YMA Member Pu Lalrokima kum 30 S/o VL Chhunga 'T' Section leh Ni 14.9.2012 khan Pu David Lalruatfela kum 31 S/o K. Laltanpuia te chuan min boral san a, an kal san tak an chhungte kan tawrhpu tak zet a ni.



## TUNKAR CHANGVAWN

“Tbeng chhi la, mi fing thu ngaithla rawh,  
Tin, i thinlung chu kan finna dawn nan hmang rawh”.  
Thufingte 22:17

**Editorial Board**

<b>Editor:</b>	J.Lalnangliana	9862399658
<b>Joint Editor :</b>	Lalchhandama	9862358347
<b>News Editor :</b>	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
<b>Cir.Manager :</b>	Johny Lalthanpuia	9612359161
	EVL. Hruaitluanga	9862655426
<b>Production Manager :</b>	R.Lalmachhuana	9436151817

**Branch Office Bearer**

<b>President</b>	T. Ngurkhuma	9436190843
<b>Vice President</b>	R. Lalmachhuana	9436151817
<b>Secretary</b>	RL. Thanhnuna	9436152760
<b>Asst. Secretary</b>	Zairemmawia	9862385654
<b>Treasurer</b>	C. Lalzarliana	9436142049
<b>Fin.Secretary</b>	K. Darthantluanga	9436196071
<b>Adviser-te :</b>	<i>Pu Lalbiakthanga Khiangte</i>	
	<i>Pu Rothuama, Pi Zamanthangi</i>	
	<i>Pu Lalrengpuia Sailo</i>	

**Editorial :**

Kan Branch YMA chuan harsate tan Relief fund an siam dawn ta a, a lawmawm hle mai. Kar hmasa khan kan ziak tawh a, kan ziah vang pawh ni hran lova, hetia a'n hlawhtling ta hi a lawmawm leh zual.

Veng chhung mi inphalte zarah kal tur a ni a, mi dangte tana malsawmna kan nih theihna tur a nih avangin mi inphalte zarah chak taka a kal theih beisei ila.

Tun hnaia kan veng chhiat tawh chungchangah pawh khan mi inphal mi dangte tana thilpek pe thei mi zathum chuang zet kan awm a, ropui tak a ni. Khatiang avang khan kan veng kan mualpho lova, kan tanrualna lo lang a ni. Khawn pawh ni hlek lo khan cheng nuai khat dawn kan ngah thei a ni.

Tun tumah pawh hian he relief fund hi khawn a ni dawn lova, tupawh hi chhiat tawh thei kan nih avangin kan that lai ngei hian a petu kan nih ngei a pawimawh em em a ni. Kan remchan ang ang kan pek khawm hmang hian hna nasa tak kan thawk thei dawn a ni. YMA chu tanpui ngaite tanpuitu a nihna kan lantirna tur chu he fund-a kan chhun luh hian a ni.

Tun tumah hian veng chhung chhiat tawkte tana mi inpete hming kan sem tel a, mi dangte tana kan tih ve dan tur a Chiang mai awm e.

**Article :****KHAWI LAI HI NGE YMA**

- K. Rohluipua (Rote-a)

Thupui a luh hmawm YMA foundation i han chhui hmasa lawk teh ang. 1 Korinth 3:17 thu a kan hmuh angin "Pathianin chu a thianghlim si a, chu in chu nangmahni inni e" tih thu kan hmu a. Chutia Pathian in kan nih si chuan a fapa neih chhun chu BC 4 ah a lo pianga, chu chuan "Keini thutak leh nunna ka ni, keimah a kal lo chu tumah Pa hnen an thleng lovang" ti tu khan he khawvela a tisa put lai nite khan tanpui ngaite a tanpui thin a nih kha, chuti chuan keini a hnungzuitute pawh chuan mi tanpui ngaite tanpui chu kan tih tur a lo ni ta reng mai.

YMA motto tanpui ngaite tanpui tih thua hian khawhar in kal chungchang leh thlansiam chungchang chu subject ah in nei teh ang. YMA foundation chu kan Pathian thu atangin kan hre thawkhat tawh a. Heng ramdang leh State dangte chuan YMA an nei ve lo a, keini a nei chhunte hi kan vannei hle a ni. Kum AD 996 atanga Yangtis lui ruam atanga thlang rawn tla thla zelin hnam peng hrang hrang awmkhawm kan ni a, tawng hrang hrangte a tawng kan ni a, tuna kan tawng hman lar tak lusei leh duhlian tawng hmanghote hi mizo kan in ti a, a soal lo thei awm e. Chung mizo culture a bet tel chu tlawmngaihna nun hi a lo ni a, chung tlawmngaihna hlawmkhawm chu NGO ti a kan hriat pawl lian tak YMA chu a lo ni ta a ni. YMA chu kum 1935 June ni 15 ah alo ding ve ta a. YMA president hmasa ber chu Rev L. Evans a nih kha, chuti chuan YMA chu keimahni kan lo ni ta reng mai a ni. A lo chhuah dan pawh a ril hle mai a, a ril em avangin vawiiin ni thleng pawh hian he pawl zahawm tak leh lian tak hi a la kalcho zel a ni.

Entirnan khawharin kan kalin a veng hmawr deuhah pheih chuan YMA an tlem tih theih a ni mai awm e. Mahse YMA in amahin khawharin a kal thei lo, nangmaha YMA a khan a ni khawharin kal thin zawk chu ni, korinth a kan hmuh angin keimahni hi Pathian in chu kan lo ni ta a, YMA pawh chu nangmah a mizo tlawmngaihna lo awm a YMA function-a che chhuak a kha nangmah nge kha YMA kha lo ni ta. Engpawh nise sawi tur tam hle mahse kha lam kha chu duh taw phawt mai ila, he thu ka rawn ziah tur hi vengchhung intih mualphonaah min ngaisak lo hram a, thahnemngaih avanga rawn ziak ka ni tih chhiartuten a hmasain min hriatsak turin ka han ngen hmasa che u a ni.

Kan veng chu khawharin kal kan taihmak viau laiin, YMA ten section indin chhawk (inchhiarna) an tih tawh loh vang

nge tun hnaia atang hian YMA khawharin kal kan tlem tan ta hle mai, in lian vak loah pawh kan khat zo ta meuh lo chu a ni ta der mai. Hruaitu lam atangin a mawiah Kohhran inkhawm zan a ni a, tiin inthlahrung takin thute an sawi a, a engapawh chu lo ni se Kohhran inkhawm zan pawh lo ni ta tehreng se, Section 5 kal khawmte kan beitham hle thin a ni. Section hrang hrang a chhiat tawh veng hmawr lam deuhah pheih chuan in lian lo takah pawh kan khat zo lo deuh ta fo mai a. Section 1 a mihring awm zat leh Chanmari West a mihring ngaihtuah chuan in khat kan ni deuh ziah turin ka hria. Section dangin min pawlh loh pawh a chhiat tawkte section ringawt pawh khawharin kal taima ila a ziaawm hle ang. Aizawl vengah chuan veng lian pawl tak kan ni a, YMA pawh section 5 ah kan in then a, mihring pawh 5946 lai kan awm. Section tin a tun dinhmuna kan awm dan chu K - 1273, N - 928, T - 1465, V - 1169, CH - 1111. hetiang hi kan dinhmun chu a lo ni ta a, Section khatah khawharin kal mi 60 zet kan kal chang hi chuan mihring 5% hi khawharin kal section khatah kan awm thei. Heta tang hian section tinte tan lak a ngai tih a hriat theih a ni.

Awle, tunah thung chuan Mistiri Association lam in hawi leh teh ang. Kan mizote tih tawh thin angin thlan hi abikin makpa leh thenawm hnaia ten siam a ni thin a. Vawiiin ni thleng hian hman a la ni chho zel a, mizo nun timawitu leh tlawmngaihna lanchhuah tirma a ni hi a lawmawm hle. Thenkhatten Mistiri Association tih tur leh an mawhpurhna a lo ngai ve palhte pawh awm theih a ni a, heng hi association mawh a ni lo a, YMA mawh a ni bik hran lo, amaherawh chu mizo tlawmngaihna mistirite an thawkchhuak ve thin takah chuan abika an mawh leh hmalak ngei chu duhthusam a ni a, pawl ang ni lo a, thahnemngaihna vang zawkin theih tawka thlansiamna lam a kal chu kan tih makmawh chu a ni. Tanpui ngaite tanpui hi kan Mizo nun zemawi leh YMA Motto a ni.

**2012 Thuvawn**

*I awmdan tur chu LALPA chungah ngat la; Amah chu ring la, aman a ti vek ang.*

**VANAPA**

✎ Ni 17.9.2012 (Thawhtan) zan inkhawm banah Pu Gordon Zosangliana te inah Committee koh a ni.

✎ Pi Rosiami chuan thutthleng siamnan Rs 500/- section-ah a pe a, Pi Romani'n a fapa boralta Tv PC Lalchhuanawma hnatlan ve nan Rs 500/- a pe bawka, thilpek petute chungah an lawm hle.

✎ Pu Laltanpuia (TPA) chuan fapa thar duhawm tak mai a nei a, an lawmpui hle.

✎ An hruaitu leh member camping-a lut zawng zawngte siam tharna chang ngei turin an duhsak hle.

✎ Vanapa Day (Section Sport) nei turin chak taka hma lak mek a ni a, rokhawlhna dang a awm loh chuan October thla chung ngeia sport hi neih an tum.

✎ An Leader Pu VL Thakima chu chhungkaw thilah Thingsul lamah a zin mek a, dam taka a lo haw leh thuai an beisei.

**TAITSENA**

✎ Vawiin chawhnu inkhawm ban hian Leader inah section committee neih tur a ni a, member-te kal vek turin an inhriattir.

✎ An Secretary Pu Lalbiakkima Sailo te chuan fapa thar duhawm tak an nei a, an lawmpui hle.

✎ An hruaitu Pu Lalngaihawma nuamsam lo chu a dam thuai an duhsak.

✎ Mitthi buhfai khawntute tan la thar leh turin an inchah a, chutih rual chuan hruaitute'n mahni bial theuha buhfai khawn a nih leh nih loh ngaihven theuh turin an inchah.

**NEUVA**

✎ Ni 8.9.2012 (Inrinni) zinga Faina hnatlang neihah Pu H. Suanate chhungin thingpui tuihnai tak an lum sak a, an lawm hle.

✎ Section huamchhung atanga camping-a lut zawng zawngte chhanchhuahna chang ngei turin duhsakna an hlan.

✎ Hun remchang hmasa berah section committee meeting thut tum a ni a, hruaitute hun lo insiam theuh nise.

✎ CYMA-in a ti tur a tih angin Ramhlun venga leimin tuarte tanpuina section chhung in tinah vehbur khawn a ni dawn a, chhungtinte mahni remchan taw lo pe theuh turin an ngen.

**KHUANGCHERA**

✎ Ni 12.9.2012 khan DDK-ah Lengkhawm Zai record a ni a, DDK lam pawh an lawm hle. He an zai hi Ni 22.9.2012 (Inrinni) tlaiah a lo chhuak ang a, veng mipuite lo en theuh turin an sawm. Hetihlai hian an hlahriltu tura an beisei Pi Lalramsiami chuan tawhsual a tawh avanga a tel ve thei lo chu pawh an ti hle.

✎ Ramhlun venga leimin tuarte tanpuina CYMA-in a tih angin veng chhunga in tinah vehbur khawn a ni dawn a, chhungtinte mahni remchan taw lo pe theuh turin an ngen. Hruaitute'n mahni bial theuhah khawn tur a ni a, Ni 23 aia tla lovah Section Leader hnenah theh luh tur a ni e.

✎ Veng chhunga luikawr bul hnaia awmte'n luikawrah bawlhhlawh an la paih thin tih hriat a ni a, paih tawh lo turin an hriattir.

✎ Damlo- Pu Lalsangkima, Pi Zoramtani te damlo chu an dam thuai an duhsak.

✎ Ni 19. 9.12 zing karah hian veng chhungah faina hnatlang neih tur a ni a member te kim taka thawk chhuak turin an inngen. Chhunah hruaitu ten Sect bungraw enfel hnatlang neih nghal tur a ni.

✎ Karleh hun remchangah Committee koh tum a ni a, hruaitute hunawl lo insiam turin an inhriattir lawk.

**CHAWNGBAWLA**

✎ An member mi eng emaw zah chu Campingah an lut a, YMA tan mi tangkai tak an nih zel an beisei.

✎ An Section chhungah ran chhuak an awm leh thin chu pawh an ti a, ran neituten Local Council thuawiha an rante khuahkhirh theuh turin an ngen.

✎ Tun karah hruaitute mahni bial chhung intinah leimin tuarte tan tanpuina khawn tur a ni a, section leader thu lo ngaihchan tur a ni e.

✎ An hruaitu Pu C. Sangpuia, Pu Zoramthara, Dr. Lalramliana leh Pu Ruatsangate chu Gospel Campingah an buai thei hle.

✎ Kawngpui dung leh Step remchanga ualai laia zu in thin ten sim turin an ngen.

✎ Section chhungah faina hnatlang neih thuai tum a ni a, membrete leh YMA chhangte lo inring lawk turin an inchah.

✎ Hun remchang hmasaah section committee meeting tum a ni a, hruaitute lo inrin lawk tur a ni e.

**Saul "Canelo" Alvarez**

T-a

Kum 22 mi a ni a, professional boxing tuiquite chuan Saul "Canelo" Alvarez hi an hria a, thiam an ti a, a inhnek pawh hmuhawm an ti hle thin. Manny Pacquiao anga rang taka tlir zawt zawt thin a ni lo va, Floyd Mayweather Junior anga thiam taka inveng thin a ni hek lo.

Mexican chhul chhuak a ni a, United States-a inbun niin tunlai boxer naupang zinga tha bera ngaih a ni a, superstar pahnih Mayweather leh Pacquiao-te huanga lut mai tura beisei niin, amah ngaisangtute phei chuan an pahnih khum thei hial tur khawp theihna neiah an ngai a, a inhnek pawh an hlut em em.

Mahse, Alvarez hian hriat lar erawh a la hlawh taw lo. Mayweather nen an chotuah tan tawh a, inhnek mai tura beisei a ni. May khan Maywather-an Miguel Cotto hnekin round 12 hneh takin a thunun a, hemi hma chiah hian Alvarez chuan Shane Mosley a hnek a, a chet danin mit a tlungin a thunun hneh tak zet.

Alvarez hi a ngetin a khawng a, rang takin a kuttum vawi thum vel a chhuah zawn a, mahse, a dik em em. Professional huangah a lut hma a, wavi 41 a inhnek tawhah tlawm a la nei lo va, wavi 40 chakin mi 29 a knockout-a tum khat a tumpui nen an inhnehtawh.

Pound 154 (kg 69.8) huang junior middleweight title kawh mekin, Alvarez hian a kawng hren humhim turin MGM Grand, Las Vegas-ah pound 140 hnuai a inhnek thin Josesito Lopez a bei dawn a, chak tura rin sa a nih laiin American Lopez hian inlethalna thlentir a tum ve thung.

Alvarez-a inhnek hi a pianna Mexico chuan an ngaihven em em. May 5-a Mosley a hneh tum khan Mexico rama television network lian ber Televisa-in Mexican en turin a pe chhuak a, maktaduai 14 chuangin an thlir. Thla liam ta khan Mexico-in a wavi khat nan Olympics mipa football final an khel a, Brazil hnehin gold medal an la. Mexico-ah Televisa-in live-in a pe chhuak ve tho va, Alvarez-an Mosley a hneh tum aiin entu an tlem.

Alvarez hian dollar maktaduai 2 hlawhin Lopez a bei dawn a, tunkar tira zawh tak US Open tennis mipa leh hmeichhe singles champion-in dollar makatduai 1.9 ve ve an hlawh. Hetih lai hian Lopez erawh chuan dollar 212,500 chiah a hnek chhuah dawn thung a, an hlawh tur atang pawhin hma lam hun eng tak nei Alvarez leh Lopez hi an inthlau tih a hriat.

Phek thumnaa mi zawmna...

Alvarez leh Lopez hi inrinni zanah an inhnek dawn a, keini hunah chuan tun pathianni zing dar 9 vel bawr ni tura ngaih a ni. An inhnek rual hian Las Vegas-ah vek WBC middleweigh champion Julio Cesar Chavez Jr chuan Sergio Martinez a bei ve bawk dawn a, Thomas & Mack Center-a mipui 19,000 chuang hmaah an inhnek ang.

Chavez Jr hi Mexican zinga infiammi ropui ber ang hiala an ngaih Julio Cesar Chavez Sr-a fapa a ni. Chavez Sr-a hian vawi 115 inhnek a hmachhawn hman a, mi 86 knockout-in 74% a knockout phak. A fapa Chavez hian a pa hnung zui a, ropui ber huanga inhlinkai a tum mek a, mi 47 bei tawhin tlawm a la nei lo va, 46 hnehin 32 a knockout a, 68.1 % a knockout phak.

Kum 26 mi Chavez hi tawng thei leh mi deusawh thiam tak a ni. boxing tuichilhna ram Mexico atanga zi chhuak a nih avangin sum pawh a hui hnem phah a, hma lam hun eng tak neiin Alvarez nen Pacquiao leh Mayweather tih lova hlawh hnem thei an ni der tawh.

Chavez-a beih tur Martinez hi Argentine niin kum 20 a tlin atang chauha boxing luhchilh ni mah se, hneh taka middleweight thunun thei niin tunlaia pound-for-pund fighter tha pathum zingah a tel.

Kum 37 mi ni tawhin, Martinez hian vawi 53 inhnek a hmachhawn tawhah 49 a chak a, tum hnih tlawmin vawi hnih a inhnehtawh. Mi 28 knockout-in kuttum hlauhawm taka hhal ni lo mah se, thiamna a nei thaina che vel a hmuhawm a, ninawm taka inhnek chi a ni lo.

Chavez leh Martinez-te inhnek tur hian ngaihven a hlawhin an invauna boruak pawh a sa hle. Tuna Chavez-a neih mek tittle hi Martinez-a kawh thin a ni a, mahse, 2011 khan WBC chuan German Sebastian Zbik nen inhnek turin a ti a, Martinez chuan duh lovin ama thuin Ukrainian Sergiy Dzinziruk a hmachhawn. Hei vang hian tittle laksak a ni a, Chavez chuan Zbik hnehin kawngghren a rochun ta a ni.

Chavez hian dollar maktaduai 3 a hlawh lain, rin kai zawk mah Martinez-an dollar maktaduai 1.5 a hlawh thung dawn a ni.

#### MISTIRI ASSOCIATION

Chanmari West veng chhung mi, mistiri chhawr duhte tan a awlsam zawknan Pu Lalrinmawia Ralte, Secretary, Mistiri Association Phone No (9612234250) hnenah zawh fiah thin theih a ni e.

## ZOFA

☞ Ral lu Lam documentary film chang tura an inbuatsaihna chuan a vawrtawp a thleng ta. Rokhawlhna dang a awm loh chuan Ni 29.9.2012 (Inrinni) hian shooting an nei tan ang.

☞ Film chang tura an bungraw mamawhte siamin Ni 15.9.2012 khan nilengin hruaitu hnatlang an nei.

☞ Ral lu Lam Documentary Film siam turin budget **Rs 2,70,500/-** an siam. He budget-ah hian a changtute hlawh tur a tel lova, a chang tur hian veng chhung mi, tlawmngai tura sawm a ni a. A tui mite tan tel theih reng a ni bawk e. An budget hi a tam tham em avangin veng chhung mi, he lama tuite tan sponsorship leh tanpuina pek theih reng a ni a.

☞ Vice President Pu VL Thakima chu chhungkaw thilah Thingsul lamah a zin mek a, dam taka a lo haw leh ngei an beisei.

## CWYMA VOLLEYBALL REPORT

1 Central YMA Volleyball Tournament khelh turah inbuatsaihna a kal chho mek zel a, tlai lamah Indoor Stadium-ah practise thin a ni a. Player-te thahnemngai taka practise chhunzawm zel turin an inchah.

2 Branch YMA chuan volleyball thar tha tak 2 a lei a, entry fee pawh pek fel a ni tawh.

3 Mi inphalte tan kan Branch Volleyball Team-te jersey tur lei sak theih a ni e.

4 Player-te practise kan kal thei dawn lo a nih chuan Convener (9862142362) ah emaw Asst Manager (9862389991) ah te hriattir thin tur a ni.

### BRANCH YMA LIAN TOP 10

Tun dinhmuna Central YMA-a in report, Mizoram chhunga Branch YMA member tam zual te:

1	Khatla	-	3957
2	Ramhlun North	-	3810
3	Mission Vengthlang	-	3554
4	Chaltlang	-	3421
5	Zemabawh	-	3291
6	Bethlehem vengthlang-		2901
7	Electric veng	-	2791
8	Kulikawn	-	2770
9	Tlangnuam	-	2714
10	Ramhlun South	-	2711

Kan Branch-ah hian member 2636 kan awm a, keini aia vengte zawk nia langah hian member an tam zawk a, member nihna kawngah hian hma kan sawn a ngai niin a lang.

## SMS

**SMS thawna tur : 9862358337.**

☞ Kan veng chhung han fankual hian Khawtlang leh kohhrana inhman tak tak ni si, thenawmte rama thli tenawm tak tak luntir hreh lo leh mahni duh hauh loh tur thenawmte rama thli kal tura vawh in sa kan tam hle mai hi a zia lo khawp mai.

8730801917

☞ Kan veng chhunga section pakhatat chuan KTP te dem zawnga tawng an ching hle mai a, sim atan a tha khawp mai. Fakna lam ni lo, inhmuh thiam loh theihna chi inhnia na chawkhhuak thei chi chu sawi tam loh a tha viau lo maw?

8961574702

☞ Kan veng hian tun ai hian Gas hi a sem zin ve theih deuh lo em ni? Kan number a thleng har thei lutuk a, a blake a lei a ngai ve hman ziah mai. Khawtlang hruaitute khan tan han la leh deuh ula ava lawmawm dawn em? A buaithlak thei em mai.

8794648323

☞ Kan veng Kohhran lian ber Presbyterian kohhranin Gospel camping an siam chu a lawmawm hle mai, chhanchhuahna chang ta campers zawng zawngte ka lawmpui a, chutih rualin Krismas vuakveta YMA Duty ngai lo turin Krismas thleng daih ngei se ka ti hle mai.

9612319779

☞ Indoor Stadium panna step chhuk thla hi street light awm loh vangin mimalin anmahni light an chhi reng mai hi Local Council te hian ngaihven rang a tha lo maw? Chutiang zelin hmund dang amite pawh hi!!!!!!

8971487235

**SMS kan dawnte hi Editorial Board ngaihnan a ni vek kher lo.**

### Gospel Camping

Chanmari West Presbyterian Kohhran buatsaihin Sihphir Neihbawiah Camping vawi hnihna nimanah zawh a ni a, mipa - 162, hmeichhia - 75 an lut. Tunkar thawhlehi atangin Biak Inah Camping an buatsaih zui leh dawn a, lut duh tan a luh leh theih dawn a ni.

### ADVERTISEMENT

Mistiri bungrua chi hrang hrang:Heng- Electric Randa, Design Khawl, Istiri, Drilling Machine chhiate hi kan siam thei reng e. Engtiklaipawn pan theih reng kan ni.

Lalnunsanga

Phone No - 9862312242

(3-3) Neuva Section

**LUNGLUM TUARTE TANPUINA LUH DAN  
CHAWNGBAWLA SECTION**

1. Tlanglungmuana	500	2. Laldinthara	500	3. K.Laltanpuia	500
4. Kawlramvela	200	5. Lalzuiliana	200	6. Lalrivunga	100
7. Vanlalhuma	100	8. Pachhunga	100	9. Lalnghaka	100
10. Rosailova	30	11. Zohmingthanga	500	12. C.Lalzarliana	500
13. Vanlaltlana	100	14. C.Sangpuia	150	15. CT Vawra Zote	100
16. Hrangbuka	500	17. Zathanga Parte	100	18. C.Laltanpuia	500
19. JH Lalzarmawia	500	20. Lalhriata Colney	500	21. Lalsawmzuala	1000
22. TC Lalhmangaiha	500	23. Lalchhandama Ralte	1000	24. K.Chalmana	500
25. R.Rokima	4500	26. C.Ngurchhawna	1000	27. Rosangpuia	500
28. V.Lianzinga	500	29. D.Kapa	500	30. K.Lalthansanga	500
31. Lianthangpuii	500	32. Thanghrimi	500	33. Lalthakima	50
34. Malsawmhlua	50	35. Lalrintluangi(RTS)	1000	36. Rohmingliana	100
37. R.Lalmalsawma	200	38. Zosangliana Ngente	500	39. Lalthanzami	300
40. Lalnunhlua	100	41. Lalduhawmi	100	42. K.Sangkhuma(L)	100
43. K.Zothangpuia	50	44. Lianhipi	300	45. Vanlalnema	1000
46. Vanthuami	500	47. Lalchhingpuii	500	48. C.Laldawngliana	100
49. C.Rualkhuma	200	50. Zairemthangi	500	51. Lalromawia	100
52. Ramthangi	100	53. K.Lalramhluna	500	54. Zopari	100
55. Thangpuii Pachuau	100	56. Lalhruiatuanga	100	57. Kapzama	100
58. Lalbiakthangaq	500	59. C.Liankhuma	200	60. JH Thawmlianmawia	500
61. Lalremmawia(Tea)	200	62. Hming hriat loh	100	63. J.Lalnangliana	200
64. Lalhmingliani	100	65. Lalthanzama	100		

**TOTAL : 25,930**

**KHUANGCHERA SECTION**

1. Rinchhana	50	2. Lalchhanhima	500	3. Lalhriatpuia	100
4. T.Bualzika	1200	5. Darhunthanga	100	6. Lalbiakchhuanga Sailo	500
7. Lalrammawia Khiangte	1000	8. Lalthlamuana	100	9. K.Rosiama	100
10. Lalrinnungi	100	11. Lalrova Tlau	200	12. R.Malsawma	100
13. Lalkhawhluna	100	14. C.Thansiamia	500	15. Zohminga	500
16. F.Rosiamliana	500	17. Lalhliapi	100	18. Lalsangzuala Hauhnar	100
19. Vanlalhruaia	100	20. Lalhmangaihi	100	21. K.Darthantluanga	500
22. T.Ngurkhuma	300	23. Saithuama Sailo	100	24. Davida	100
25. Lalbiakliana	200	26. Remzovi	200	27. VL Huma	100
28. Dengthanga	200	29. F.Lalrova	2000	30. R.Chhunkima	100
31. RK Daniela	500	32. Upa Dr Hmingthanzuala	500	33. B.Lalrinthanga	200
34. Ronghaka	100	35. Nundanga	500	36. Lalthanzuala	100
37. RZ Kamlova	300	38. Peter LT Mawia	100	39. Tlangmawia	100
40. Zoramtana	100				

**TOTAL : 11,350**

**NEUVA SECTION**

1. JH Hmingthanchuanga	100	2. TC Lalchawimawia	400	3. F.Lalzuala	100
4. Vanlalnghaki	50	5. John Lalfakzuala	50	6. H.Suana	100
7. Lalremruata	200	8. C.Lalmalsawma	100	9. G.Zama	100
10. Tingvumi	100	11. H.Lalhmuaaka	50	12. Zaitanmawia	100
13. Thanthuama	100	14. Lalremruata Hauzel	300	15. Rohmingliana	50
16. T.Ngaihzuala	100	17. Major Thankhumi	50	18. Lalthanruma	200
19. Lalrinchhana	100	20. Zothansanga Tochwawng	1000	21. K.Lalbiaktluanga	100
22. R.Lalnunmawia	50	23. Lalhruienga	100	24. Selkungi	100
25. H.Vanlalduata	500	26. K.Lalchullova	50	27. Samthangi	500
28. Vanlallawmsanga	200	29. Lalthlamuana	200	30. R.Pachhunga	100
31. Vanlalvuana	100	32. Vantluangi	100	33. Lalzawma	200
34. V Thangbuka	100				

**TOTAL : 5750**

**TAITESENA SECTION**

1. Vanromawia	100	2. Darthangpuii	100	3. John Zosangliana	100
4. Challianchhunga(L)	100	5. Lalramkinlova	100	6. Mahmuni	100
7. Thanchhuma Sailo	200	8. VZ Muana	300	9. M.Sawmliana	1000
10. B.Hrangvela	100	11. Lianzuala	200	12. Rosangzuala	100
13. Lalziki	100	14. Zokhuma	100	15. H.Tlangthanga	100



16. Lalrinthanga(L)	100	17. Lalramhluna Tochwawng	100	18. Lalbiaksiam Colney	100
19. Lallianzuala	500	20. R.Lalbiaktluanga	100	21. Lalzuiliana	100
22. H.Lalhratlina	100	23. H.Thangdailova	100	24. R.Lalhlira	500
25. Lalngaihawma	100	26. Lalbiakzama	1000	27. K.Vanlalhruaii	300
28. H.Lalhnuna	500	29. R.Lalbiakhluna	200	30. C.Vanlalfela	200
31. P.Ramlina	500	32. R.Lalhmingmawia	50	33. Hming hriat loh	50
34. L.Nghakliana	100	35. Rollick Lalnuntluanga	500	36. Lalmalsawma(Sena)	500
37. RL Thanhnuna	100	38. A,Biaklawma	1000	39. J.Lalbiaktluanga	500
40. Thangchuaailovi	400	41. Lalmuanpuui	200	42. Tlangthanga	100
43. C.Vanlalruata	100	44. Khelziki	500	45. K.Lalremruata	100
46. Saitluanga Sailo	200	47. Lianchhingi	500	48. Lalzoliana Hnamte	200
49. Lalduhawma	500	50. RK Rozidinga	500	51. J.Lalhmingliani	500
52. C.Lalmuankima	100	53. C.sangkhuma	500	54. Lalringliani	500
55. RK Thantluanga	100	56. Lalrozama	200		

**TOTAL : 15,300**

**VANAPA SECTION**

1. C.Lalnunmawia	500	2. Lalnghinglova	50	3. H.Lalthuama	200
4. Zonunthara	50	5. El John Thiak	50	6. R.Lalchhuanawma	500
7. Ginzgo	100	8. C.Chawiliana	250	9. R.Lalhluna	100
10. Lalhmingliana	500	11. CL Thianghlina	500	12. T.Lalthangfala	1000
13. P.Neihthanga	100	14. C.Saithuama	100	15. MS Dawngliana	50
16. C.Remliana	50	17. R.Hrangzuala	50	18. Remliana	100
19. Dawngkima	50	20. H.Thanmawii	50	20. R.Lalthazuala	200
21. Rothuama	1000	22. Nikhumi	1000	23. Lianzothangi	200
24. C.Thanchungnunga	500	25. C.Laltanpuia	200	26. R.Zoramthanga	100
27. Singa	200	28. C.Lalrinzuala	200	29. Upa Lalkunga	500
30. Lalzami	200	31. Vanlalhluna	500	32. Sailova	200
33. H.Chuanghsanga	100	34. H.Lalrinthanga	500	35. K.Rochungnunga	500
36. Lalpuui	50	37. VL Hmuaka	500	37. H.Lalrawngbawla	50
38. Vanlalmuani	100	39. C.Lalsawmliana	100	40. HL Rozama	100
41. Chhingpuui	200	42. Lalthanzami	100	43. L.Romawia	100
44. Lalramhluna Hauhnar	500	45. Romani	100	46. Rami	100
47. C.Rozama(L)	1000	48. R.Kawlkunga	1000	49. Lalzuiliana	50
50. Laithuami	100	51. Laltanpuia(Tea)	50	52. T.Sangkhuma	100
53. K.Lalhmgangaiha	50	54. FC Vanlalchhunga	100	55. Zohmingsanga	100
56. H.Lalrawna	500	57. Baby Lalzarmawii	1000	58. Ziaksanga	100
59. F.Lala	100	60. Lalfakzuala	100	61. Lalzarliana	100
62. J.Lalrova	500	63. Ngulliana	1000	64. Sanglianhang	1000
65. C.Lalnunmawia	100	66. Lalremmawia	100	67. Lallianzauva	300
68. C. Vanlalsanga	100	69. Kaphnuna	500	70. Thangchungnunga	200
71. Lianchhuna	100	72. Lalramzauva	200	73. Lalpianthanga	100

**TOTAL : 21,000**

**SECTION PAWN LAM LEH THILDANG**

1. K.Darhmingthanga	Chini 5 kgs	2. YP Corps,CW	1000
3. Ramfangzauva	Chini 10 kgs	4. Zamanthangi,	2 Silpouline
5. Ramlai Welfare,CW	1000	6. Rosiamngheta,Counsellor	500
7. Ward No VI	1000	8. Chanmari West Corps	2000
9. Congress Unit I,CW	500	10. Leaggu Of Mercy	1000
11. Pu Tawnluia,Chawnpuui	1000	12. Chanmari LC	2000
13. TC Lalhmangaiha	1 Tile	14. NK Chakma,Minister	1000 & 5 Tarpouline
15. JH Rothuama,Minister	1 Silpouline	16. DMC,CW	1000
17. Lalthakima,Ramthar	Cake	18. MHIP,CW	1000
19. Pu Lal Thanzara,MLA	3000	20. CWBYMA	2000
21. P.Zakhuma	Kawr		

**TOTAL : 18,000**

**Hmuh zawng zawng : 97,330**  
**Hman zawng zawng : 34,539**  
**Hmanbang : 62,791**